




半日楼小集

张明自著



张明著

半日楼小集

——半日楼诗词钞

花溪粤韵

半日樓詩詞

己丑陳永正書



目 录

半日楼诗词钞

水龙吟·(代序).....	1
---------------	---

诗三百三十八首

五 绝 四十二首.....	3
七 绝 一百九十首.....	6
五 律 四十六首.....	30
七 律 五十二首.....	36
古 风 八首.....	36

词一百六十四首

浣溪沙 四首.....	52
减字木兰花 四首.....	52
临江仙 七首.....	53
点绛唇 二首.....	54
昭君怨 三首.....	55
清平乐 六首.....	55

阮郎归	二首.....	56
菩萨蛮	二首.....	57
鹧鸪天	十首.....	57
南歌子	三首.....	59
鹊桥仙	六首.....	60
渔家傲	二首.....	61
少年游	二首.....	61
西江月	六首.....	62
虞美人	三首.....	63
杏花天	二首.....	64
画堂春	一首.....	64
卜算子	三首.....	65
霜天晓角	二首.....	65
木兰花	二首.....	66
青玉案	四首.....	66
破阵子	三首.....	67
行香子	二首.....	68
蝶恋花	八首.....	68
声声慢	一首.....	70
小重山	二首.....	70
踏莎行	十二首.....	71

一剪梅	六首.....	73
满江红	四首.....	74
念奴娇	八首.....	75
满庭芳	二首.....	77
雨中花慢	三首.....	78
水调歌头	五首.....	79
永遇乐	二首.....	80
桂枝香	三首.....	81
新荷叶	一首.....	82
八声甘州	二首.....	82
台城路	二首.....	83
水龙吟	五首.....	83
沁园春	八首.....	85
雨霖铃	一首.....	87
木兰花慢	二首.....	87
金缕曲	七首.....	88

花溪粤韵

自序	93
林则徐悲歌上路（粤曲独唱）.....	95

花村访友（粤曲独唱）.....	96
红 棉 颂（粤曲独唱）.....	97
新叹五更（粤曲独唱）.....	98
彭总返故乡（粤曲独唱）.....	99
李小龙祖居行（粤曲独唱）.....	100
九列星洲发浩歌（粤曲独唱）.....	102
锦岩岗上念英魂（粤曲独唱）.....	103
黎二樵月夜抒怀（粤曲独唱）.....	104
丘逢甲台海放歌（粤曲独唱）.....	105
旧寨英风赞（粤曲独唱）.....	106
还我碧流（龙舟说唱）.....	107
海瑞出山（粤曲对唱）.....	108
卖油郎与花魁女（粤曲对唱）.....	110
红拂女情归李靖（粤曲对唱）.....	112
裴航遇仙记（粤曲对唱）.....	114
老板与乞儿（独幕粤剧）.....	116
辣椒妹相睇（独幕粤剧）.....	122
霜桥剑影会英娘（新编古装粤剧）.....	131
怒折定情箭（新编古装粤剧）.....	137
情困小罗城（新编古装粤剧）.....	145
袁崇焕薨辽遗恨（新编古装粤剧）.....	152

水龙吟·半日楼（代序）

天边静泛明霞，初阳半照平台柱。
金轮光转，暖红移过，庭前花树。向
晚西楼，轻阴斜送，新凉弥户。似倦
飞林雀，暮归犹有，一枝秀，理尘羽。

试把履痕回顾，少贫寒，壮来尤
苦。思如坠网，身如坠浪，卅年风雨。
渐见晴云，馀生应是，再无惊颺。愿
风帘书阁，茶香伴我，送流光去。

诗三百三十八首

五 绝

海 鸥

1970

海鸥穿浪谷，忽复上云天。浪急天将雨，阴霾似去年。

七 星 洞

1973

石乳悬冰玉，古岩无限幽。莓苔凝暗水，一滴一春秋。

文 竹

1975

节老三春雨，根深六月风。谁言枝叶细，试与共严冬。

飞来寺送别

1989

古峡烟霞静，禅门不染尘。江边一挥手，秋水去无痕。

庭前小咏（四首）

1993

红杏舒柔瓣，风前弱不禁。野蜂频鼓翼，未忍附花心。
柔蔓越高栏，垂空延向地。终夜无片风，清露久不坠。
花间一小雀，怡然飞复落。近有倚栏人，相看意相若。
小犬吠花枝，枝上蜻蜓立。偶尔动微风，落瓣无人拾。

嚶鸣谷偶拾（三首）

1994

为睹一展翎，无语久相待。怅然起欲行，屏开耀七彩。
稚子撒肥虫，扑翅争啄食。昔日雨云垂，凌风矜铁翼。
啾啾溪畔禽，历历溪底石。偶得小鱼虾，一任翅儿湿。

咏 鹤（三首）

鹤兮何所思？静影印深池。风起微漪动，波心漾雪衣。
潭边闲一鹤，行止意迟迟。偶展英雄气，当风亮翅时。
林梢悬朗月，群鹤宿高枝。明日江湖远，衔云作壮飞。

芭提雅珊瑚岛

艇上人语喧，波底珊瑚静。无语看珊瑚，方是真情性。

芭提雅之夜口占

酒吧灯若梦，谑笑语何轻。前有倚门女，几人绕道行。

冬日看紫荆花

1995

墙隅风静处，霜重叶垂垂。三万紫蝴蝶，相依不肯飞。

瑶山人（六首）

1996

缠头插旧羽，跣足叉粗指。烟杆高及肩，吐纳多趣意。
癯脸镌深纹，黄坭渍旧裙。生涯试问讯，辗转在山根。
长拥万山青，雄躯可自矜。夜来篝火畔，歌鼓动春星。
么妹别居处，俚歌逐夜风。小花开复落，结籽在山中。

山娃健如犊，绕树相嬉逐。举镜欲留照，掩面回土屋。
寨前一瘦翁，枯坐看溪石。小路来群童，欢声破岑寂。

大理短章（六首）

昔日取经僧，几回系纆绁。今我出西门，无人问关牒。
天意眷下关，为霖在七月。不用理锄耰，青株夜拔节。
浪荡西南行，偶见洱海月。何处尚关情？月照玉龙雪。
明眸若秋潭，白衣衬红帔。苍洱世传名，半缘“金花”美。
古树叶垂垂，蝴蝶藏何处？泉畔彩衣人，翩翩来复去。（蝴蝶泉）
白肤虬髯汉，轻挽金发女。万里一背囊，明日知何去？

黄果树瀑布下见彩虹

瀑流频击石，飞沫蔽寒空。借得云边日，描成七色虹。

花市零卉（四首）

1997

乱云迷远树，寒风时挟雨。净洗万丛花，明妆待善贾。
寒雨腻成丝，花间浮小伞。彩色蘑菇云，忽聚忽流散。
千元购桃株，十元可买菊。一样得春心，人尽舒眉目。
车自远方来，满载芳菲去。路若流花溪，春归千万户。

小三峡行

水落江流窄，绕行卵石滩。雨云忽飞聚，明日看波澜。

悬棺

人间浪游罢，高卧近天都。闲客时观望，尔能安寝乎？

银溪行即景（五首）

2004

溯流入乱山，溪旁多杂树。白日透光斑，洒落无人处。
苔石卧溪中，石隙清流咽。断续若调琴，待夜弹明月。
云里一声呼，山坳数声应。小雀忽惊飞，复投深树影。
徙倚竹栏旁，披襟散汗香。溪边多少绿，酿此一亭凉？
飞流注玉潭，潭内水凝绿。不忍破琉璃，未作轻手掬。

七 绝

夜半闻笛

1968

蕉雨频敲化冷烟，马蹄空响越平川。谁家玉笛狂如许？
夜半飞声到枕前。

星湖夜月

1971

湖沿隐约数屏山，树静灯昏夜正阑。渐见清辉如白晓，
湖天双月照人间。

赠冠登兄（两首）

1972

韵成金石足生平，灯影弦歌相与清。再拂蝶琴张玉翼，
缤纷花雨降前庭。

新声古调夜来春，俗虑如磐不属君。流水行云三百阕，
已眠深巷未眠人。

秋 夕

村溪岸草泛微黄，坠日斜悬身影长。枯坐由它风渐起，
波心星月漾幽光。

风雨舟中作

1973

风雨袭舷敲铁声，空中十万剑刀鸣。颠扬有若乘狂马，
古战场中作疾行。

动物园观虎

纵横林海啸崖巅，梦醒唯余铁柱连。岩电棱棱张怒眼，
绕行旧迹不成眠。

为鹏儿出生作

长围村隅抱寂寥，年来常自仰青霄。抚儿悄说心中愿：
一纵鲲鹏万里遥。

增城挂绿

昂然一树欲摩云，风雨珍留百载身。丹荔依然垂绿线，
得尝极品是何人？

村事俚句 时随“学大寨工作队”下乡 任资料员（八首）
1975

万马千军战淤塘，一坭传罢半成浆。时光力气闲抛去，
灯火昏黄夜正长。（夜挖塘坭）

匀铺锦褥到天涯，竹丈无私岂有差？莫笑妇人哀绝相，

工分系命一贫家。(田头上,丈量员因私怨少记一农妇工分)

三丈工棚烟欲迷,火星四迸汗频挥。生涯见在锤声里,
敲落残霞未肯归。(大队打钉厂)

前覆榕阴背倚河,剪刀声里岁消磨。新闻聚散人谈笑,
待我来时静许多。(小河边理发店)

残月悬天雾恋田,两三村女织秧毡。“敌台”昨播新编
剧,四顾无人悄语传。(田头即事。时称香港电台为“敌台”)

一丈颓房百物无,麻包三尺裹全躯。赠他新被拥寒夜,
却恐晴朝换米薯。(冒寒雨随队访贫问苦)

嚼蜡文章夜夜听,蚕房檐下一灯明。榕桥风月谁分享?
剩有潺潺流水声。(夏夜例会)

祠堂堆放网和缁,掩耳由他詈骂声。物净囊空唯叹息,
野河鱼鳖任纵横。(没收农民缁网,打击“走自发”)

雷 雨 夜

1976

金蛇裂壁云台碎,万象狰狞天怒时。灭却窗灯听风雨,
苍茫心事不堪诗。

宵 谈

百感升沉话倍长,宵谈共听雨敲窗。心中亦有云雷气,
户外灯前两浩茫。

端阳夜草成

灵均无奈国沉沦,风雨何堪吊汨罗。今夜端阳千户酒,
问谁真个酹江波。

偶 感

十里花洲羈我身，尘南雾北转愁频。诗心摘取抛江去，
对景真如陌路人。

旧 寨 塔

弹火无如砖石何，千秋一塔壮山阿。中华汉子铮铮骨，
碑上雄文血写歌。

注：1945年3月，游击队曾据此塔抗击日寇。

春节清晨郊行即感

1978

郊行遥听炮鞭声，此是沉沉天鼓鸣。春意暗随时令发，
千枝万叶孰先青？

中山永宁万人坑

1979

枯骨支撑血泪亭，寒宵鬼哭几回听。汉奸倭贼今何去？
地狱可曾施剐刑？

往桂林机上口占

1982

长天此际纵羈魂，山水情牵自在身。俯首欲寻仙子路，
云中虚径不留痕。

漓 江 行

日照丛峰翠玉移，江心小筏列鸬鹚。何方借得丝丝雨，
九马图前好酿诗。

夏日鱼农生活剪影（三首）

1985

露沾襟袖早行人，投罢鱼粮晓色匀。凝看横塘长伫立，一番憧憬付波痕。

惊风挟雨过鱼塘，蝉噪声沉日影黄。欲趁晴光除岸草，轻翻熟土觉微香。

共枕微凉享晚晴，横塘斜月两三星。蕉桑说罢忽无语，静听鱼儿拨浪声。

盆桃结果喜而作

叶底绯红次第开，无情风雨苦相摧。枝头剩有五三朵，结得青桃诚快哉。

月夜三绝句

贮得幽光漫野塘，偶然风片入池凉。新荷欲睡难成梦，不韵群蛙乱乐章。（荷月）

林翠沾衣不忍弹，清辉渐发暮云寒。柳丝轻系迷离月，垂影千条印石栏。（柳月）

石岸榕阴傍小村，初更浴罢枕流眠。栖枝宿鸟喁喁语，隔叶月光筛影圆。（榕月）

机上看黄河长江

1987

两水沉沉横古国，千山隐隐卧中州。片时云外知空阔，吾土真堪豁远眸。